

Bosna i Hercegovina
Federacija Bosne i Hercegovine
Tuzlanski kanton
OPĆINSKI SUD U GRAČANICI
Broj: 27 0 K 047890 21 K
Gračanica, 08.12.2021. godine

U IME FEDERACIJE BOSNE I HERCEGOVINE

Općinski sud u Gračanici, po sudiji Husejinu Šerbečić, sa zapisničarom Seidom Čamdžić, u krivičnom postupku protiv optuženog A. H., zbog krivičnog djela Porezna utaja iz člana 273. stav 1. Krivičnog zakona Federacije Bosne i Hercegovine, po optužnici Kantonalnog tužilaštva Tuzlanskog kantona broj T03 0 KTPO 0095292 21 od 10.08.2021. godine, nakon održanog javnog, glavnog pretresa u prisutnosti Kantonalnog tužioca iz Tuzle Serhatlić Čazima, optuženog A. H. i njegovog branioca E. M. advokata iz Gračanice, je 07.12.2021. godine donio i dana 08.12.2021. godine javno objavio,

P R E S U D U

OPTUŽENI:

A. H., sin S. i majke E. djevojačko Š., rođen ... godine u mjestu B. M. - Općina D. I., nastanjen u mjestu B. V. broj ...- Općina ..., pismen sa završenom Mješovitom srednjom školom u B. V., po zanimanju prehrambeni tehničar, zaposlen kao ..., oženjen otac dvoje malodobne djece, Bošnjak, državljanin BiH, srednjeg imovnog stanja, vojsku nije služio, ne vodi se u vojnoj evidenciji, JMB: ..., neosuđivan, ne vode se drugi krivični postupci,

Kriv je

Što je:

U vremenskom periodu od 01.01.2019. godine do 31.03.2021. godine, kao porezni obveznik u smislu člana 2. stav 3. Zakona o porezu na dohodak FBiH (Službene novine FBiH, broj:10/08, 9/10, 44/11, 7/13 i 65/13) i člana 2. stav 1. Pravilnika o primjeni Zakona o porezu na dohodak (S. Novine FBiH broj: 67/08, 4/10, 86/10, 10/11, 53/11, 20/12, 27/13, 71/13, 90/13, 45/14, 52/16, 59/16, 38/17, 03/18, i 30/18), svjestan da za sebe izbjegava plaćanje davanja propisanih poreznim zakonodavstvom u Federaciji i doprinosa zdravstvenog osiguranja propisanih u Federaciji, ne dajući zahtijevane podatke o svom stečenom oporezivom prihodu a što je i htio, postupao suprotno odredbama člana 35., 36., i 38. Zakona o porezu na dohodak FBiH kojim odredbama je propisano da, rezidentu koji dohodak ostvari u inostranstvu, odnosno na drugoj teritoriji Bosne i Hercegovine, porez na dohodak utvrdit će se na osnovu odredbi tog zakona uz priznavanje plaćenog poreza po odbitku i akontacija poreza na dohodak plaćenih u inozemstvu, odnosno na drugoj teritoriji Bosne i Hercegovine, te da je porezni obveznik dužan, nakon isteka poreznog perioda, odnosno do 31. marta tekuće godine za proteklu godinu podnijeti godišnju poreznu prijavu propisanog oblika i sadržaja nadležnoj jedinici Porezne uprave prema mjestu plaćanja poreza na dohodak utvrđenom u članu 37. Zakona, pa je isti propustio da prihode, koje je ostvario po osnovu pružanja intelektualnih usluga fizičkim licima iz inostranstva, ali i licima iz Bosne i Hercegovine, koji prihodi u smislu člana 14 u vezi

sa članom 4 Zakona o porezu na dohodak imaju karakter poslovnih prihoda i podliježu oporezivanju, i koji su uplaćivani putem platnog sistema PayPal-a na njegov račun otvoren kod Raiffeisen bank BiH u ukupnom iznosu od 222.389,63 KM, prijavi nadležnoj Poreznoj upravi FBiH-Poreznoj ispostavi D. I., te da podnese obrazac Godišnje prijave poreza na dohodak GPD-1051 i obrazac AMS-1035-Akontacija poreza po odbitku na druge samostalne djelatnosti na prihode ostvarene iz inostranstva, u kojima je bio dužan iskazati obračun obaveza na izvršene novčane uplate, na koji način je izbjegao plaćanje poreza na dohodak od samostalne djelatnosti u visini od 10% porezne osnovice i pripadajućih doprinosa za zdravstveno osiguranje u visini od 4% od porezne osnovine za 2019. i 2020.godinu i to;

- u **2019.** godini zaprimio i prisvojio iznos od 112.606,26 KM, na koji način je izbjegao plaćanje poreznih davanja u iznosu od **12.251,56 KM**
- u **2020.** godini zaprimio i prisvojio iznos od 109.783,37 KM, na koji način je izbjegao plaćanje poreznih davanja u iznosu od **11.944,43 KM**

na koji način je izbjegao plaćanje poreskih i drugih obaveza u ukupnom iznosu od **24.195,99 KM** za koji iznos je oštetio budžete i vanbudžetske fondove u FBiH,

dakle, za sebe izbjegao plaćanje davanja propisanih poreznim zakonodavstvom u Federaciji i doprinosa socijalnog osiguranja propisanih u Federaciji, ne dajući zahtjevane podatke o svom stečenom oporezivom prihodu, a iznos obaveze čije se plaćanje izbjegava prelazi 10.000 KM,

čime je počinio krivično djelo – Porezna utaja - iz člana 273. stav 1. Krivičnog zakona Federacije Bosne i Hercegovine,

pa mu sud na osnovu tog člana i člana 49., 59. stav 1. tačka b), 60. stav 2. i 62. stav 1., 2. i 3., istog zakona **i z r i č e**

UVJETNU OSUDU

Kojom mu utvrđuje KAZNU ZATVORA U TRAJANJU OD 10 (deset) MJESECI i istovremeno određuje da utvrđena kazna neće biti izvršena ako optuženi u roku od 2 (dvije) godine po pravosnažnosti presude ne izvrši novo krivično djelo.

Na osnovu člana 114. stav 1. i 2. i člana 115. stav 1. Krivičnog zakona Federacije Bosne i Hercegovine, od optuženog se oduzima imovinska korist pribavljena krivičnim djelom u iznosu od 24.195,99 KM (dvadesetčetirihiljadestostinudevedesetpet konvertibilnih maraka i 99 pfeninga).

Oduzeta imovinska korist će biti uplaćena na račun javnih prihoda Budžeta Federacije Bosne i Hercegovine, kod Union Banke d.d. Sarajevo 1020500000106698, vrsta prihoda 723142, šifra općine 035, u roku od 6 mjeseci po pravosnažnosti presude.

Na osnovu člana 66. a u vezi sa članom 63. Krivičnog zakona Federacije Bosne i Hercegovine sud određuje da će uvjetna osuda biti opozvana ako optuženi u roku koji mu je određen ne izvrši isplatu iznosa na ime oduzete protivpravne stečene imovinske koristi.

Na osnovu člana 200. stav 1. u vezi sa članom 199. stav 2. tačka a) i g) Zakona o krivičnom postupku Federacije Bosne i Hercegovine optuženi se obavezuje da plati troškove krivičnog postupka u iznosu od 490,00 KM i paušal u iznosu od 50,00 KM po pravosnažnosti presude.

O b r a z l o ž e n j e

Kantonarno tužilaštvo TK je optužnicom broj T03 0 KTPO 0095292 21 od 10.08.2021. godine optužilo H. A., zbog krivičnog djela Porezna utaja - iz člana 273. stav 1. KZ F BiH.

Na glavnom pretresu branilac optuženog se izjasnio da optuženi želi da promijeni izjavu o priznanju krivnje i prizna da je izvršio krivično djelo koje mu se optužnicom stavlja na teret.

Nakon toga tužilac, optuženi i branilac su se saglasili da se neće neposredno izvoditi dokaz saslušanjem vještaka J. E., te da će se koristiti Nalaz vještaka iz istrage i zapisnici o dokazima koji su izvedeni tokom istrage.

Sud je na glavnom pretresu izveo dokaze uvidom u: Zapisnik o ispitivanju osumnjičenog H. A, Kantonalnog tužilaštva TK od 15.04.2021. godine i 09.08.2021.godine bez prisustva branioca, te 20.04.2021. godine koji je dat u prisustvu izabranog branioca M. E. advokata iz Gračanice, Akt Državne agencije za istrage i zaštitu broj 16-05/1-04-2-2304-3/20 od 13.05.2020.godine, Akt PUFBiH POOI Tuzla prijedlog za potpuni insp.nadzor broj 13/09-8-12-25-106-1/20 A.Đ. od 28.05.2020.godine, Nalog za potpuni inspekcijski nadzor Kantonalni porezni ured Tuzla broj 13-3-02-12-20-628/20 od 09.07.2020.godine, Akt PUFBiH KPU Tuzla dostava podataka (Zapisnik o inspekcijskom nadzoru i izjava) broj 13-3-02-12-21-125-1/20 od 08.09.2020.godine, Rješenje o dodatno utvrđenim obavezama broj 13-3-02-12-20-628-3/20 od 22.09.2020.godine, Akt PUFBiH Porezna ispostava D. I. dostava dokumentacije broj 13-3/4-12-20-1336/21 od 09.02.2021.godine, Akt KTTK od 04.05.2021.godine kojim se traži dostava podataka od Porezne uprave FBiH, Akt PUFBiH dostava dokumentacije PI D. I. broj 13/09-8-12-25-106-4/20 A.Đ. od 19.05.2021.godine sa priložima liste evidentiranih akontacija poreza po odbitku od samostalne djelatnosti za obveznika H. A. za period 2017 – 2020.godina, Naredbu KTTK za ekonomsko-finansijsko vještačenje broj T03 0 KTK 95292 21 od 04.05.2021.godine, Nalaz i mišljenje vještaka ekonomsko-finansijske struke E. J, od 27.07.2021.godine, Rješenje KTTK od troškovima vještačenja od 09.08.2021.godine, Prijedlog KTTK za Općinski sud Gračanica za donošenje naredbe Raiffeisen banci za dostavljanje bankovnih podataka za lice H. A. od 06.04.2021.godine, Naredbu Općinskog suda Gračanica broj 27 0 K 047890 21 Kpp od 12.04.2021.godine, Izvod iz podataka Raiffeisen bank dd Sarajevo za TRN A. H. za period 01.01.2017 – 31.12.2020. godine, akt broj 1-13-18243/21 od 19.04.2021.godine (na CD-u), Prijedlog KTTK za Općinski sud Gračanica za donošenje naredbe NLB banci za dostavljanje bankovnih podataka za lice H. A. od 04.05.2021.godine, Naredbu Općinskog suda Gračanica broj 27 0 K 047890 21 Kpp2 od 10.05.2021.godine, Dopis NLB banke broj 2212/21 od 21.06.2021.godine kojim se dostavljaju podaci za lice H. A. i to; Ugovor o tekućem računu broj 1321802016228679 A. H., Ugovor o otvaranju i vođenju deviznog računa rezidenta fizičkog lica 103776686 A. H., Izvod NLB banke dd Sarajevo za TRN A. H. za period 01.01.2017 – 31.12.2020. godine, Ugovor o licenci COLLAB od 05.04.2017. godine, Ugovor o usluzi Gamee Mobile Češka republika od 30.04.2017. godine, Ugovor o pružanju usluga oglašavanja Brand Ad LLP od 12.05.2017.godine, Ugovor o usluzi Gamee Mobile Češka republika od 13.05.2017. godine, Ugovor o usluzi Gamee Mobile Češka republika od 09.06.2017. godine, Ugovor o licenci COLLAB od 14.07.2017. godine, Ugovor o usluzi Gamee Mobile Češka republika od 15.07.2017. godine, Ugovor o djelu od 23.09.2017. – Fabrika doo Sarajevo, Ugovor o pružanju usluga oglašavanja Brand Ad LLP od 20.12.2017.godine, Ugovor o pružanju usluga oglašavanja Brand Ad LLP od 15.01.2018.godine, Ugovor o pružanju usluga oglašavanja Brand Ad LLP od 13.02.2018.godine, Ugovor o djelu broj 01/2018 od 15.02.2018. – Satelit plus doo Čitluk, Ugovor o pružanju usluga oglašavanja Brand Ad LLP od 23.04.2018.godine, Ugovor o djelu od 02.05.2018. - DRAP doo Zagreb R Hrvatska, Ugovor o djelu od 17.05.2018. – Fabrika doo Sarajevo, Ugovor o pružanju usluga oglašavanja Brand Ad LLP od 30.05.2018.godine, Ugovor o pružanju usluga oglašavanja Brand Ad LLP od 07.08.2018.godine, Ugovor o pružanju usluga oglašavanja Brand Ad LLP od 22.10.2018.godine, Ugovor o usluzi Gamee Mobile Češka republika od 13.11.2018. godine, Ugovor o pružanju usluga oglašavanja Brand Ad LLP od

11.03.2019.godine, Ugovor o poslovnoj saradnji od 01.06.2019. – NECTAR doo Bačka Palanka R Srbija, Ugovor o poslovnoj saradnji od 01.06.2019. – NECTAR doo Bačka Palanka R Srbija, Potvrdu o rezidentnosti Dukat doo Banja Luka, Uplatnicu donacija Ć. Š. – JP Komunalno Brčko od 19.08.2020.godine, Popis linkova – donacije i pomoći, Foto dokumentacija i troškovnik vještaka finansijske struke J. E. od 07.12.2021.godine.

Optuženi priznaje izvršenje krivičnog djela kojom mu se optužnicom stavlja na teret. Priznanje optuženog potvrđuju Zapisnik o inspekcijском nadzoru od 31.08.2020.godine, Porezna uprava FBiH u pogledu iznosa neuplaćenih poreza i druga dokumentacija porezne uprave u koju je izvršen uvid na glavnom pretresu.

Priznanje optuženog potvrđuje u cijelosti nalaz i mišljenje vještaka ekonomsko finansijske struke E. J. od 27.07.2021.godine te ovaj nalaz s drugim izvedenim dokazima nesporno potvrđuje priznanje optuženog odnosno činjenične navode optužnice u pogledu načina izvršenja, vremena izvršenja, radnji činjenično opisanih u izreci presude i visine pribavljene materijalne koristi kao posljedica ne izvršavanja obaveza, plaćanja propisanim poreznim zakonodavstvom FBiH i da je iznos obaveze čije se plaćanje izbjegava kao u izreci odnosno veći od 10.000, 00 KM (deset hiljada konvertibilnih maraka).

Cijeneci izloženo, sud pouzdano zaključuje da iz dokaza u koje je izvršen uvid na glavnom pretresu i priznanja optuženog nesporno proizilazi da ima dovoljno dokaza o krivnji optuženog koji potvrđuju da je isti: U vremenskom periodu od 01.01.2019. godine do 31.03.2021. godine, kao porezni obveznik u smislu člana 2. stav 3. Zakona o porezu na dohodak FBiH (Službene novine FBiH, broj:10/08, 9/10, 44/11, 7/13 i 65/13) i člana 2. stav 1. Pravilnika o primjeni Zakona o porezu na dohodak (S. Novine FBiH broj: 67/08, 4/10, 86/10, 10/11, 53/11, 20/12, 27/13, 71/13, 90/13, 45/14, 52/16, 59/16, 38/17, 03/18, i 30/18), svjestan da za sebe izbjegava plaćanje davanja propisanih poreznim zakonodavstvom u Federaciji i doprinosa zdravstvenog osiguranja propisanih u Federaciji, ne dajući zahtijevane podatke o svom stečenom oporezivom prihodu a što je i htio, postupao suprotno odredbama člana 35., 36., i 38. Zakona o porezu na dohodak FBiH kojim odredbama je propisano da, rezidentu koji dohodak ostvari u inostranstvu, odnosno na drugoj teritoriji Bosne i Hercegovine, porez na dohodak utvrdit će se na osnovu odredbi tog zakona uz priznavanje plaćenog poreza po odbitku i akontacija poreza na dohodak plaćenih u inozemstvu, odnosno na drugoj teritoriji Bosne i Hercegovine, te da je porezni obveznik dužan, nakon isteka poreznog perioda, odnosno do 31. marta tekuće godine za proteklu godinu podnijeti godišnju poreznu prijavu propisanog oblika i sadržaja nadležnoj jedinici Porezne uprave prema mjestu plaćanja poreza na dohodak utvrđenom u članu 37. Zakona, pa je isti propustio da prijave, koje je ostvario po osnovu pružanja intelektualnih usluga fizičkim licima iz inostranstva, ali i licima iz Bosne i Hercegovine, koji prihodi u smislu člana 14 u vezi sa članom 4 Zakona o porezu na dohodak imaju karakter poslovnih prihoda i podliježu oporezivanju, i koji su uplaćivani putem platnog sistema PayPal-a na njegov račun otvoren kod Raiffeisen bank BiH u ukupnom iznosu od 222.389,63 KM, prijavi nadležnoj Poreznoj upravi FBiH-Poreznoj ispostavi D. I., te da podnese obrazac Godišnje prijave poreza na dohodak GPD-1051 i obrazac AMS-1035-Akontacija poreza po odbitku na druge samostalne djelatnosti na prihode ostvarene iz inostranstva, u kojima je bio dužan iskazati obračun obaveza na izvršene novčane uplate, na koji način je izbjegao plaćanje poreza na dohodak od samostalne djelatnosti u visini od 10% porezne osnovice i pripadajućih doprinosa za zdravstveno osiguranje u visini od 4% od porezne osnovice za 2019. i 2020.godinu i to; u **2019.** godini zaprimio i prisvojio iznos od 112.606,26 KM, na koji način je izbjegao plaćanje poreznih davanja u iznosu od **12.251,56 KM**, u **2020.** godini zaprimio i prisvojio iznos od 109.783,37 KM, na koji način je izbjegao plaćanje poreznih davanja u iznosu od **11.944,43 KM** i na koji način je izbjegao plaćanje poreskih i drugih obaveza u ukupnom iznosu od **24.195,99 KM** za koji iznos je oštetiо budžete i vanbudžetske fondove u FBiH.

Pravno cijeneći utvrđeno činjenično stanje sud nalazi da se u radnjama optuženog stiču sva bitna obilježja krivičnog djela Porezna utaja - iz člana 273. stav 1. Krivičnog zakona Federacije Bosne i Hercegovine.

Nema sumnje u uračunljivost optuženog u vrijeme izvršenja krivičnog djela. Naime, iz iskaza optuženog i izvedenih dokaza proizilazi da je optuženi u vrijeme izvršenja krivičnog djela bio uračunljiv, svjestan svog djela i htio njegovo izvršenje.

Nema osnova koji isključuju postojanje krivičnog djela i krivicu optuženog, pa ga je sud stoga oglasio krivim.

Prilikom utvrđivanja sankcije optuženom, sud je cijenio sve okolnosti koje utiču na vrstu i visinu krivične sankcije.

Otežavajućih okolnosti na strani optuženog sud nije našao.

Od olakšavajućih okolnosti sud je cijenio priznanje optuženog na glavnom pretresu, raniju neosuđivanost i porodične prilike (oženjen otac dvoje djece).

Cijeneći navedene olakšavajuće okolnosti na strani optuženog, sud je optuženom izrekao uvjetnu osudu kao u izreci presude, s uvjerenjem da je ovakva sankcija adekvatna težini učinjenog djela, stepenu krivice optuženog i okolnostima pod kojima je krivično djelo izvršeno. Sud pouzdano zaključuje da navedenom sankcijom može biti postignuta svrha kažnjavanja, odnosno da će dovoljno uticati na optuženog da više ne čini krivična djela i da nije nužno prema optuženom primijeniti kaznu, te da radi krivičnopravne zaštite izricanje strožije sankcije nije nužno, a da blažom sankcijom svrha kažnjavanja ne bi bila postignuta.

Sud je u toku postupku nesporno utvrdio da je optuženi utaju poreza pribavio sebi protivpravnu imovinsku korist u iznosu opisanom u izreci presude. Imajući u vidu da je odredbom člana 114. stav 2 KZFBiH propisano obavezno oduzimanje imovinske koristi sud je odlučio da istu oduzme u iznosu kao u izreci i obaveže optuženog da istu uplati na račun budžeta FBiH.

Imajući u vidu visinu oduzete imovinske koristi a u vezi sa ostvarenim prihodom od strane optuženog u periodu opisanom u činjeničnom opisu presude, sud je optuženom odredio posebnu obavezu tako što je odredio da će uslovna osuda biti opozvana ako uplata ne bude izvršena u ostavljenom roku od 6 mjeseci po pravosnažnosti presude.

Pošto je oglašen krivim optuženi je na osnovu člana 200. stav 1. u vezi sa članom 199. stav 2. tačka a) i g) Zakona o krivičnom postupku Federacije Bosne i Hercegovine obavezan da plati troškove krivičnog postupka u iznosu od 490,00 KM, koji se odnose na troškove vještaka finansijske struke i paušal u iznosu od 50,00 KM, pri čemu je sud cijenio složenost i trajanje krivičnog postupka i imovno stanje optuženog.

POUKA: Protiv ove presude može se izjaviti žalba u roku od 15 dana od dana prijema prepisa presude Kantonalnom sudu Tuzla putem ovog suda.

Zapisničar
Seida Čamdžić

S u d i j a
Husejin Šerbečić